

織簾書屋詩鈔

織簾書屋詩鈔卷五

甲午至己亥

天津 沈兆雲 雲巢

錦峯書院

豫厚菴  
尙衣建

秀奪靈巖綠依山講院新紫陽雨輝映紀歲又壬辰

康熙

壬辰張清恪公  
建紫陽書院

揮灑雲霞萬色詠歌金石千聲弟子皆通經義使君原是書生

才分補袞尙方官吳下文人願識韓別具經綸資治理  
大裘衣被盡忘寒

和韓聽秋師重遊泮宮韻

老宿文章倍有神恬吟常覺氣如春旁通淨業能尋樂  
多購奇書不覺貧徑接羊求招隱士學兼漢宋作調人  
示生徒詩不駁程朱尊馬鄭先生祇合作調人程門親炙如遊酢三十年前拜  
下塵

水明樓上邀涼月洽隱園中聚德星

居洽隱園著水明樓詩集

何氏

名齊山大小文公望重土儀型秀才風味盟心素宗匠

評量刮目青

受知謝金圃先生謂文有西京風骨

頻壁重遊采芹藻廣寒

還折桂枝馨

癸卯重宴鹿鳴

閒園雜詠 錄七

侵曉出門初夜還  
木蘭花任放窗前  
我來枉住閒園裏  
十日曾無一日閒

久愧文章替左司  
袖中吳郡少新詩  
關心水潦愁無寐  
不似香凝燕寢時

導滯疏川憫澤農  
婁江畚鍤繼吳淞  
萬家齊下文襄拜

隨林少穆中丞  
我亦佛心希況鍾  
木蘭堂楹帖有況  
政嚴明總佛心句

松江蘭筍潔登盤  
又膾銀魚佐早餐  
繞膝兒孫爭舞綵

慈顏頷首笑中看

百里吳江碧水深當年宓子此彈琴使君小阮今重到

認取清陰滿竹林

族伯藻庭刺史公  
曾宰吳江祀名宦

光福山連鄧尉山太湖一曲達東灣梅花十里鋪香雪  
夢繞園林籬落間

侍郎碧落記前因貯月冰壺絕點塵千載名與一杯酒  
不妨雨是箇中人

同姚石甫廖竹臣陳登之遊虎阜

塔勢若相邀人來十里遙清明霏好雨斟酌

橋名度危橋

石古高撐霧池深暗引潮白祠春草碧團坐話同寮

劉河口觀海

蕩雲沃日勢澎湃白馬奔騰紛沛艾三沙橫互沒無痕  
鯨波萬里連天外婁江訛名劉家港入海三江分一派  
海口淤塞僅通流賈舶往來歎窒礙別鑿一道疏滌難  
高亢墘身儼劃界濬河築堰達涵洞惟期宣畜兩無害  
我來太倉縱大觀海涖登如踏鼇背回視城闔煙霧低  
極目樓臺蛟蜃怪憶居渤海遊碯洲在吳境幾度看潮盪  
胸快臨流趨下沮洳多此地形仰殊不類百年人世小  
滄桑變通水利興無廢頗羨傍岸幾人家開門日與仙

山對

陳芝湄方伯陶子俊觀察偕遊虞山

石磴同攀踏蘚痕蜿蜒數里俯城垣長江西望滔滔浪  
福壽雙山逼海門

一聲孤磬出空林徑入禪房花木深乘興維摩凌絕頂  
萬松齊湧海潮音

劒門厓似五丁開拂水淩風飛濺來吟到吾家啟南句

勒泉扶石妙詩才

絕壁雲扶將墜石巖厓風勒  
下奔泉石田翁題劒門句

尋幽吾谷坐春風聽徹鶯啼細雨中預約深秋躡芒躋

楓林深染曉霜紅

吾谷楓林最盛

爲徐生

立方

題其先世忠仁公

如珂

及子

廷柱

從

子樞  
畫像

垂死吳民慶更生萬人全活一身輕簪紳肯被中涓辱

梁棟俄先大廈傾千載粉榆猶報德闔家忠孝其揚名

知公地下長遺恨內寇難於外寇平

公會平蜀寇祠堂榜曰平蜀保吳

曾拜祠堂薦藻蘋又瞻畫像見精神聞風勵節希先聖

積學能文有後人門第不矜同顧陸德才難備是忠仁

一堂配饗兼羣從里巷還看廟貌新

公有祠堂在廟堂巷余捐貲倡修公



裔孫瀕寄籍湖南湘潭爲余戊子典試所取士立方有聲庠序

過王府基有感

張士誠舊居

齊雲一炬走倉皇麋鹿姑蘇舊苑荒  
畫角風飄黃葉菜錦衣路斷白駒場  
唐摧勁敵俘蕭銑魯守孤城報項王  
最恨明初讐怨結吳民幾倍困徵糧

題貝三泉虹橋集鴈圖

倡捐清俸慰鴻鰥任卹還分撫字勞  
何待流民圖鄭俠相逢到處有黔敖  
貧能爲善心多樂衆仗回生義最高  
繞遍虹橋曾築舍宵深風雪壓林皋

敬題 先大夫問石山房墨刻遺蹟

先君好作書，搦管手不釋。謂此養性情，至樂乃無斁。步  
趨守平原，吳興偶徑借。剛健兼端莊，羞作簪花格。綰符  
吳川時，多士求絡繹。箋素與簿書，叢雜全然集。一一爲  
揮毫，忙中忘晨夕。至今安拙堂，宰吳川時顏判讀寶拱  
壁。萬里忽從軍，慷慨勇執戟。動盪走流沙，莽蒼互雪積。  
河源星宿高地勢，輪臺闢奇氣。勃然生磅礴，入啄磔更  
有兩樵翁。龍明府鐸臨池互助益，襟懷浩落落。精光煥奕奕，  
動與古人會。以神不以迹，歸來眈閒靜。閉門塵凝席，竹

屋酒滿斟蕉窗紙不擇夙好仍作書橫掃時對客寄興  
偶然耳書罷一笑擲我無獻之筆凍蠅形踖踖宦遊二  
十年廢學恆自惜強欲追遺模搜求及詩冊珍重付匠  
人千秋存手澤吳郡工雕鐫墨寶輝瓊碧載之壓歸舟  
此卽鬱林石

入都寓靈祐寺有感

堂頭三宿記前因舊井波寒梵殿新烏几仍排虛白室  
素衣又惹輭紅塵城南天近雲連厦巷口陰濃屋繞椿  
當日師門與親舍愴然重過爲逡巡

爲顧司馬題小孤山圖

馬當神助一帆風公子相逢邂逅中此日猶思賢父母  
老人原是舊兒童桑麻遍野謳歌洽雞黍留賓笑語同  
憶得江干曾臥轍楓林話別又怱怱

循聲繼美古龔黃民悅從徵作吏良司馬新猷宣渤海  
先人遺愛感桐鄉橐中清俸胡威絹江上濃陰召伯棠  
我展畫圖思舊德停舟客到自吳陽

先人舊宰吳川邑  
士試南宮者輒迂

道津門過  
訪敝廬

莊光印歌爲高四廣文作

先生本是逃名客五月披裘釣大澤誰知百年姓氏更  
避諱亦如籍易席故人文叔心相知纍纍肘後徒相遺  
報章不書且口授繆篆安用雕鐫爲高君搜奇酷嗜古  
竟獲銅章補印譜沈埋似劒出石函雷煥拂拭光芒吐  
什襲價重連城珍摩挲恍到桐江濱絕勝玉螭缺一角  
千秋完好付詩人

送金四明府之官淮安

瀟灑襟懷古雅文梅花社裏惜離羣送君遠向江南去  
逢著梅花便憶君

丙申元夕

月明如晝步星橋  
鐙火樓臺慰寂寥  
二十年來長作客  
故鄉今日度元宵

梅三廣文將之任永平詩社同人餞於敝寓園中  
卽席次畱別韻

方塘波綠草痕新  
玉榼香濃竹葉春  
一畝荒園如傳舍  
百花生日集詩人  
我停遊屐江南路  
君著征衫塞北塵  
半載論文遽揮手  
何時重聚話前因

題津沽垂釣圖

浩渺七十有二沽楊柳萬樹桃千株中流容與一艇穩  
浮家泛宅煙波徒我友曠懷淡名利精舍舊傍知章湖  
移居津門仍水國數間茅屋依菰蒲我與君別將廿載  
風塵碌碌遊三吳春水遠尋甫里宅秋風飽食松江鱸  
時夢故人紅橋外葦泊菱塘景模糊挂帆今年暫還里  
把袂驚訝霜盈鬚枕流漱石敦夙好筆牀茶竈饒清娛  
蓬窗有弟同聽雨柴門無吏來催租示我圖照聊寓意  
野鷗泛泛隨輕鳧豪縱不數東海客瀟灑常共漁童奴  
垂綸長嘯釣非釣據石危坐吾忘吾大笑身在琉璃界

天上明月相招呼。做筍鮮魚烹回網。前村滄酒沽麻姑。  
世間無如鄉味好。奚羨饜飫大官廚。我爲題詩胸襟闊。  
起看村墅瓊瑤鋪。知君清興定無盡。更寫剡溪訪戴圖。  
述懷

僦屋何妨祇數楹。貧來不悔在官清。行吟風雪園林景。  
臥聽兒孫誦讀聲。魚夢頻虛豐歲兆。鴻書重感故人情。  
半生閱盡崎嶇境。未老先教意氣平。

遣興

舊仿南宮一畝居。半村半郭稱吾廬。閉門偶享間居福。



課子還溫舊日書漫以奢華從俗好祇緣真率與人疏  
孤亭竹瘦庭松古畫戟凝香或不如

丙申冬暮出京作

風勁馬蕭蕭夜半戒行李斜月挂林梢光墮桑乾水重  
裘臥敝車鈴鐸不離耳迴瞻鳳皇城迷濛雲樹裏侵晨  
投野店窸窣鳴窗紙挂壁鐙餘燄依牆牀缺趾殘夢尙  
朦朧喧囂來朝市草草供盤餐居人眠未起京宦憶十  
年花輒徐度晷直廬出承明一麾捧檄喜板輿奉慈親  
鞭影江南指報政甫及期銜恤歸故里今冬釋喪服長

安車稅止旬日膺 簡命 天顏覲尺咫獎以好聲名  
勉以飭簠簋疏濬著微勞章服榮獬豸舊治許重遊敬  
事循前軌敢染奢浮習悃悃永自矢嘉平出帝都風景  
當年似空山白雲飛悵然詠陟屺將母不可再光陰一  
何駛三載息做廬勞勞又此始

### 金山

分明一幅營邱畫著色樓臺翠靄間咫尺風帆容易過  
妙從山外看金山

### 劉銘之偕遊焦山

不見山中寺濃青萬木稠四圍浮水面千級陟峯頭春  
到寒梅淺僧尋曲徑幽松寮偕坐久隨意數沙鷗

焦山訪帶圖

楊文襄故物梁方伯得之揚州

不妨依樣畫胡盧肯使風流讓大蘇人得楚弓還舊物  
客因魏笏仰前模白虹氣貫連城壁明月光生合浦珠  
三百年來續佳話懶殘撥火記僧廚

宗忠簡公墓

退師遺恨閟山阿疾革猶聞喚渡河五丈原頭星宿落  
峴山碑下淚痕多回鑾舊業空思復誤國庸臣是議和

爲弔荒墳京口鎮蒼松北向挺霜柯

初蒞江甯題民事堂

一麾出守又江東夾道歡迎竹馬童誦讀我來田舍裏

耕桑人在畫圖中觀風頗似晉良士

江甯俗勤儉

作吏當如

黃次公尊此前朝京兆尹

署舊爲應天府尹官廨

堂高能否下情

通

領袖羣寮冠八城相期政簡與刑清痛無慈母平反問  
恐有冤民歎恨聲千里江流來郭外六朝山色拱前楹  
當年太宰畱遺愛勉紹家傳重勵清

再題民事堂用王梅溪韻

王忠文公以進士第一人授承事郎高宗欲試  
以民事僉判紹興府公因榜所寓廨舍曰民事  
堂庶朝夕不忘聖訓茲堂額適同因成一律並  
用韻

出典專城疊拜

恩

齋宮親領

訓詞溫

十二月初十日召

見於齋宮

實心謀國如家事良吏安民是治原才具漫誇

能肆應躬行端不在多言書生夙與閭閻習經術幽風

細討論

飛霞閣用趙秋谷韻

危梯百尺上夔珊人與白雲相伴閒無數晴巒東望好  
春光先到紫金山

捕蝗行

野無冬雪春氣蒸蝥出如蟻旋如蠅振振一生輒百子  
崇朝蝥動盈千塍農氓陳訴求捕急里胥興役鳴鉦集  
率以伍伯若追逋踐踏青苗萎鱗隰我田已躡蝗未泯  
官捕不如民捕真以錢易螭計升斗婦子盡是捕蝗人  
方畀炎火祀田祖虺虺豐隆遠鳴鼓天遣猛將驅蝗來

一掃三日西風雨簸蟬

見漢書

不使蔽天飛神力應憐人

力微福佑康年頌

宸翰

重新劉猛將軍廟貌御書額福祐康年

馨香報

德受鴻釐

### 勝基樓

在莫愁湖上湖今仍屬中山王後裔

綺樓湖上巋然存賭墅當年荷主恩前代已隨流水去

餘波今尙及王孫

澱澱湖光映翠樓竹深荷淨夏如秋塵中偶息勞人駕

難得閒情似莫愁

遊妙相菴

南朝無舊寺初地闢城隈一徑穿花入孤亭面水開詩  
章紛勒石煙雨淨浮埃半日偷閒好叢林岸幘來

幽恨寄沅湘三閭天問堂伊人不可見徧地菰蘭香精

舍依龍樹清溪繞鹿場高僧重師誼配食水仙王

僧耕生祀

其業師  
於祠中

登餘霞閣

看山曾登飛霞閣推窗四面圍林壑城西茲復登餘霞  
隔城點點皆漁家輕帆天際隨征鴈千里秋江淨如練



江上兼有三山橫吟詩坐對斜陽明

隨園

虛室窮而曲幽人足澗阿小倉無別勝林木百年多

秣陵雜詠四首

鍾山佳氣鬱蒼茫一統開基自建康創業昔惟符漢祖

遺宮今尚說吳王

王府爲明太祖爲吳王時舊邸

六朝殘賸生新色千

古英雄戀故鄉佐命勳臣經易代樓高亦傍大功坊

山中

王第今爲藩署有樓奉畫像

繞殿無蹤付鬱攸漫勞海外訪雲遊石畱碧血千秋筆

門啟金川萬戶侯異日分封傳桀驚當年伺釁識優柔  
帝畿飛燕風蕭颯滾滾長江水自流

依舊龍蟠虎踞形可憐南渡小朝廷豐城故劒深埋獄  
燕子新聲妙選伶跋扈藩侯誰拱衛焦勞閣部自零丁  
支撐半壁江山盡賸有丹心照汗青

甯南畢竟負臨侯又見降幡出石頭綺殿草荒麋鹿走  
華林風冷杜鵑愁乘車帝子闌扉夜種菜王孫湖孰秋  
獨有黃公標正氣大忠橋上令名畱

宦遊

舟泛青溪九曲通宦遊白下舊家風田園快讀郊居賦

隱侯東田勲業遙傳啟事公六世祖宮保莊敏公明萬

在今江甯典郡山川叨管領儲糧秣黍頌綏豐余守江甯三載高

登塔影樓頭望北斗光臨瑞靄中

過明功臣廟有感

朱垣紺宇尙如新髣髴淩煙圖畫人悵望鍾山王氣歛

故宮何處莽荆榛

風雲際會慶逢時翊運金陵壯帝基名將盡如曹武惠

雞鳴山下有專祠

與曹武惠廟並列

勳高百戰紀旂常祀典誰分俎豆香爲憶雲臺圖卓茂  
始知漢代重循良

有廟城南署表忠

祀建文殉難諸臣

千秋猶想見英風寒煙衰

草長千里誰訪殘碑敗壁中

### 博山秋眺

西風忽送涼野淨望中長落葉點秋水亂山分夕陽六  
朝松自秀三徑草應荒孫楚樓頭客年年醉異鄉

### 題朱涵齋先生閒青堂集爲小泉通守作

文武兼資冠世賢承明不羨勒燕然一生廉潔如韋素

三絕風流似鄭虔催進新詩依翠輦

公扈從山左詩纔解弓衣塵滿面閣

門催喚進詩函

送歸便殿撤金蓮校刊遺集揚先德不僅詞章

後世傳

孫生澤遠補江甯諸生喜作

興縣相國文定公曾孫

三晉無遺業先人儉德崇勳名文潞國奏疏陸宣公紹緒重經席培英始泮宮秣陵今占籍識爾白袍中

上已後一日王益之協領邀同龔意舫張黼堂雨

明府遊半山次益之重修別墅韻

新葺芳園別有天城南無此好林泉庭前翠柏低橫藻

石上青苔密綴錢  
杏苑鶯聲三月雨  
江城柳色六朝煙  
將軍好客如何氏  
幽興濠梁結夙緣

徙倚孤亭翠嶺巔  
清閒半日小神仙  
松陰碁局流泉外  
竹舍茶煙落照邊  
雅集尚疑修禊客  
微晴恰稱養花天  
爭墩漫話當年事  
領取春光滿目前

半山亭用東坡韻

孤亭半山路登陟  
與城齊鍾阜一峯  
秀青溪九曲低地  
偏塵鞅隔春暖谷  
鶯囀何處定林寺  
柳煙歸徑迷

己亥江南闌中

秋中好是暢晴天一曲霓裳詠衆仙  
湛露霑衣同鵲立明珠出水映蟾圓  
憐他證果成千佛憶我登科閱卅年  
雲淨夜深瞻北斗奎光高拱紫垣邊

吳錦洲屬題其先人淞巖太守校獵圖

餓鴟決起走狐兔草枯木落平原路  
彎弓小隊爭馳驅攬轡中權雄  
眄顧使君胸羅十萬兵紫電青霜耀武庫  
廉范新聞五袴歌揚雄舊獻長楊賦  
公餘選徒事大蒐興酣合圍羞詭遇  
毛血飛灑迷莽蒼旆旌回旋縈煙霧  
投筆最喜獵場遊封侯不悔儒冠誤  
壯哉誰似超羣才

馬中騏驎人中布我披畫圖百年餘隱之鬚眉識縑素  
掃除豺狼肅郊垌網開一面仍嫗煦樂與民同無古今  
鸞鑣聲聞齊趨附切莫僅作郊射觀意氣矜誇徒騁驚  
感宣和禁習詩賦事成五古一首

采詩觀民風作頌涵聖澤吉甫風穆如定知異屠伯羔  
羊素絲篇節儉復正直開卷誦周南卽以勗官職自古  
漢吏循經術資潤飾仕憂不廢書俗士偏指摘磔鼠矜  
張湯鬪雞譖王勃未察牘不畱輒謂學無益元結詠春  
陵豈反遜博奕要知非本心藉口工讒慝昔在宣和時



詩賦嚴禁習深惡首蘇黃追劾及甫白好吟韋蘇州從  
未聞遭劾奈何遺軒渠定律罰杖百分甘餘話載宋宣  
和時習詩賦者杖  
一百王安石之遺害如此御史李彥章疏以詩賦爲元  
祐學術並劾及前朝杜子美李太白皆貶之定律令則  
何執中失其本心  
無恥之尤者也虞廷任皋陶賡鵬同益稷鄙哉何執  
中無恥媚安石

### 述懷

六朝山水窟小住又三年舊載濬川橈新乘輸粟船詩  
情生道路畫境入雲煙難得丁沽上鄉關客裏還

織簾書屋詩鈔卷六

庚子

天津 沈兆雲 雲巢

將之淮安曉發金陵

石城芳草淡含煙  
曙色迎人野渡邊  
鞅掌入春纔十日  
從容臥閣已三年  
山高虎踞長江塹  
風利龍驤下水船  
此去勞勞南北路  
清淮泛月悟因緣

曾寫清淮  
泛月圖照

燕子磯

牛渚西江夜放船  
微茫百里破蒼煙  
依然曉色催征櫂  
觸忤前塵五十年

乾隆庚戌侍  
先太恭人自粵旋里過此

新集唐詩卷六  
五兩風輕送客舟白雲凝望繞松楸天涯一掬思親淚  
灑向長江日夜流

上元夜舟行

筆牀茶竈任縱橫全敞篷窗納晚晴蕩漾煙波新泛宅  
婆娑鷗鳥舊尋盟漁村鐙火空江影柳野笙歌樂歲聲  
我到揚州上元節二分月色十分明

十六夜月

意外愁風雨今宵月尙圓一江春水活萬樹早梅妍塔  
影敲危岸雲痕淡遠天淮陰三百里勞爾送前川

江行阻風

顛風忽斷渡信宿戀江干曉霧一天溼重裘三月寒潮  
聲來枕底樓影出林端村徑桃花發行將整玉鞍

句容道中

句曲著征鞭清和二月天平橋挑菜路淺水罨泥船偶  
息黃茅店新開白木蘭丹陽斜照外又挂一帆煙

惠山

路近毘陵始喚船中冷水懶汲深淵生平無意爭先著  
祇試人間第二泉

重泊燕子磯

客久狎風波推篷看翠螺重來山寺外依舊杏花多煙  
重迷帆影宵深靜櫂歌春光纔九十三度燕磯過

永濟寺

默默惟餘舊影堂

默默乾  
隆時僧

布金精舍半荒涼千尋鐵索

高盤柱一樹桃花紅過牆落照歸帆來葉葉隔江列岫  
鬱蒼蒼六朝往矣如流水極目滔滔下建康

登燕子磯

乘風似欲舞翩翩峭壁臨流萬仞懸勝地南來停短櫂

大江東去接長天孤亭俯瞰山圍郭危磴高攀徑繞煙  
一樹杏花開較晚愛他紅到翠微巔

望攝山

往歲曾登處重看入畫圖娑羅雙樹古縹緲一峯孤寺  
想棲霞似厓還疊浪無尋碑何日去更爲問僧雛

峭帆

峭帆張復落江水幾彎環岸闊低疏樹雲輕疊遠山盤  
空黃鵠健浴浪白鷗閒時見夕陽寺孤僧煙外還

喜雨

滿江春雨助新潮一夜西風送畫橈  
夾岸曉鶯啼不住桃花濃到廣陵橋

夜過瓜洲

京口通吳會巖疆踞上游山高皆北向  
江闊自東流空際塔鈴語晚來林霧收  
夜深孤客櫂和月到揚州

雨止

急雨催風息風停雨亦停春江平泛綠  
遠岫潤涵青纜解客爭發雲開天未暝  
回思吳郡去泥淖短長亭

高郵

三十六陂水春深漲綠波石城依岸矮草舍過江多詞  
客思淮海神祠隱薜蘿輕鷗飛點點極目祇煙蓑

寶應

春夜冷於秋輕船汴上流湖光連甓社山勢盡揚州月  
落鳬鷺靜潮平荇藻浮甘霖應已足莫更喚林鳩

山陽

長笛一聲起夕陽遙浦中花濃微帶雨柳弱不禁風白  
馬湖流闊金龍廟宇崇釣臺何處問衰草自蓬蓬

夜泊淮安



帆出岑樓上危隄下瞰城東風催草綠殘月映淮清臺  
暗何人釣宵深有客行時聞疏樹外隔水喚船聲

清江浦

百里下維揚滔滔楚水長沙墩分樹色寒雨勒春光公  
路屯兵地伯倫荷鍤場十年經屢過薄宦飽風霜

惠濟牖

聲殷巨雷光噴雪一徑劃然蒼厓裂懸溜陡落船汭流  
倒吹更兼朔風烈三牖險如十八灘惠濟尤比上灘難  
百夫絞挽憑長纜輓轡失轉心膽寒我行到牖值薄暮

狂飈愈助奔濤怒石燕高飛雨欲來榜人齊唱公無渡  
亟欲過此翻游移糧艘亦復行遲遲水柔變剛由搏激  
兇猛姑虛與委蛇牖畔維舟永今夕人靜無聲依峭壁  
伏枕儼聞過千軍急湍不知添幾尺忽喜浪息朝曦晴  
下游版閉自在行下牖版閉則上牖水平入坎出坎祇俄頃化險  
有術惟持平

桃源感徐石生明府

斗大荒城近海門漁人漫認武陵源新煙淡似春山影  
古岸高於老樹村遺愛甘棠思召伯舊遊芳草憶王孫

年來宦境增惆悵俯仰知交有幾存

宿遷

孤村緣岸轉遠樹與船移行入三灣去灣灣山影隨

戲馬臺

戲馬臺荒霸業傾故都今尙說彭城如何蓋世英雄氣  
富貴徒誇畫錦行

放牘

洶湧奔濤立軍船無數屯旁行依石壁直上束金門纜  
挽衝波出鉦鳴雜語喧羨他垂釣者舟繫綠楊村

望家書

挂席東風利寒消入夏初遊行飛陣馬微疾抱河魚人

靜長吟裏茶香午夢餘飛鴻聞遠響應達北京書

時鉉  
瑞兩

兒在  
都中

微疾

微疾不盈旬憎寒怯采薪藥平延國老酒濁對賢人鬼  
蜮含沙暗猿猱弄技新維摩參妙諦一笑久忘嗔

王母山有感

秋風捧檄昔經過此日重來感若何西去仙輿長不返

白雲依舊傍山多

夏鎮感豐縣王立齋明府

戚城葱鬱舊芳林子晉仙蹤杳莫尋西望錦江春色暗  
東流大澤晚煙沈品清難享庸愚福官去猶畱士庶心  
河畔不堪回首處五年前話綠楊陰

口占答友人

聽鼓環騎尉衙齋少定居行舟千里外客路半年餘案  
牘披無幾賓朋會亦疏故人如問訊至樂在觀魚

沛縣懷古

臺凌戲馬想嵯峨漢祖當年擊筑歌父老早知亭長貴  
元勳終是故人多桓山雲氣連芒碭豐邑城闔帶泗河  
建武中興還法祖春陵重喜翠華過

歌風臺

大風歌起故鄉來西楚天亡漢業開不論武功論文字  
歌成垓下亦詩才

三河口

滕縣薛河沙河南橋  
河諸水俱匯此因名

三水北來匯雨餘深沒篙源探滕縣遠隄入兗州高野  
徑縑春繭村旗市濁醪昭陽湖一望千頃漲波濤

昭陽湖在

滕沛魚臺三縣境達  
微山湖以濟加運

謁仲廟

停楫肅冠裳言過仲家淺崇祠翳林薄古碑沒苔蘚升  
堂瞻儀容辦香誠敬展泗水接洙流至聖淵源衍緬思  
治賦才蒲邑著三善勇果不自用從政吾其勉

登任城太白酒樓

前朝滾滾水東流此地猶存太白樓顧我遠隨明月到  
攜朋長嘯遠天秋仙才獨擅千年勝濁酒同消萬古愁  
溟海蒼茫雲杳靄何當散髮弄扁舟

任城畱贈徐桓生觀察

使君嘉績著宣房  
麥野班春露冕忙  
舊友尙遲逢道路  
相思轉憶別河梁  
十年心迹三江水  
千里風塵兩鬢霜  
行過南池明月夜  
題詩畱寄賀知章

卽目

市傍平橋屋枕溪  
遊人聯轡綠楊隄  
揚鞭應笑舟行緩  
一路看山信馬蹏

晚涼

林深月上遲向晚  
納涼時坐隱烏皮几  
遊傾白接羅沙



禽鳴格磔隔草舞葳蕤明琴軒別久春風憶碧池

署有軒余

顏日明琴頗具水木之勝

卽事

蜀山湖近響奔瀧暑倦停橈傍釣缸  
眇信河魚鱗六六畱人檣燕語雙雙  
矮箋書界烏絲格古鼎香畱蜺殷窗  
頓覺風來秋氣爽濤聲似湧廣陵江

挂劒臺

層臺枕古岡巋然沙河涘徐君墓草荒  
贈劒曾繫此七首王僚亡屬鏤子胥死  
何如隴樹傍寒銍燭秋水結交

重結心縞紵全終始脫手千金輕踐約雜悲喜高風感  
行路誠哉賢公子一劒何足道棄國猶敝屣

東昌魯連臺

大義渺強秦飄然東海濱解紛天下士肆志布衣人舊  
畢聊城外荒臺汶水津高風吳季子挂劒接嶙峋

曉起

曉際寺鐘動清風來樹間煙輕茶竈小事簡印牀閒流  
水多通簷居人尙掩關蓬窗時拄笏面面看青山

土橋阻風

望雨雨不來中夜北風惡猛虎嘯厓谷大聲振林薄侵  
曉增喧豗推窗驚錯愕沙石岸競飛洄洑浪爭躍山遠  
樹迷濛野曠氣磅礴亭午日轉澹人語靜鴉鵲不知屯  
氏河漸次盈與涸我行值麥秋扁舟士橋泊隱隱聞雷  
鳴猶期甘霖作

臨清

汶衛交流曲抱城黿頭磯上落霞明居人不識青山色  
慣聽漁舟唱晚聲

舟阻臨清東車秋船

市月滯扁舟長河欲斷流鄉心千里隔客夢五更愁孤  
嶺遙看鶴平沙靜數鷗安園荷放未吟賞碧筩浮

安陵

喜入畿南境炎風六月初水隨新秫長樹補懶雲疏聽  
雨暫尋約

潤田兄來  
住二日

烹魚常得書丁沽五百里計日過

蓬廬

風暴

黑雲無端起瀚翳當空冒長年驗風信排日名曰暴喧  
撼動地來萬軍競鼓譟穿穴無不入凶橫逾剽盜自翊

勢崇高私怒肆輕躁大聲矜跋扈猛力極排界舟輕疊  
掀簸母乃基轉漕內省苦行僧擘因不曾造一旦葬魚  
腹理或難顛倒風烈不終日天心默覆幬非關善遣懷  
某也信久禱和藹四座春泠然彈雅操

東光感僞楚作

請相邦昌罷綱職顏岐同是社稷賊思將喜怒阿金人  
莠言覲然甘負國李綱召還自夔州建炎中興良可必  
進說十事追姚崇置帥兩河郤兀朮將士作氣師勤王  
首嚴誅逆春秋律邦昌畢竟正典刑大義長伸昭星日

無何提舉洞霄宮遭讒青蠅止樊棘當綱平章兩月餘  
九十六萬甲兵集畱守宗澤協同仇招撫張所矢奮力  
痛恨汪黃和議堅賢相一去中原失復讐樂毅終無成  
偏安武侯空太息吟詩自欽忠定忠僞楚何足污吾筆  
至今井邑猶含羞前途吳橋征櫓戟

滄州喜晤王一樵

舟行三月倦風塵路指長蘆碧漲新惠我麻姑家釀美  
朗吟樓畔遇詩人

得南皮張佩庚書

一紙通芳訊相違十五年詩吟陶令好衣著老萊鮮欲  
訪高人宅難停下水船南皮勝遊處瓜李憶流連

卽目

野草籬花亦自妍魚缸蟹斷華門前郊居是處堪招隱  
一曲河流二頃田

津門作

松楸無恙歲時更曾校遺文血淚傾

余有丙舍校詩圖

多幸汎

舟叨簡命一年一度拜佳城

城北蓬茅一敝廬別來已是四年餘殷勤爲向阿咸語

好護家藏萬卷書

歷落晨星幾故人白頭話舊倍情親依依不盡開帆去  
夢繞魚梁析木津

沽上詞人梅樹君首陽東去惜離羣梅莊華甥長卿吟得詩

千首字串珠璣氣吐雲

感周月東先生

我慕周夫子風流不可攀寒齋餘卜硯傲骨老空山磬  
響一時歇余心適與閒先生宿雪潭精舍句句如王孟好零落百

年間



入都

上年保薦卓異尋擢糧道

敢詡循聲頌士民冰心常自勵風塵瞻天有喜趨朝

近飲水思源感舊真

謂陶文毅公陳芝楨中丞

特達仰邀

恩遇厚

轉輸深冀訓詞頻三年報績慚無補講幄曾叨侍從

臣

四女寺和壁間詩韻

冠裳列坐儼儒風恩縣城南廟宇崇貞節漫傳畱漢代  
才名齊擅冠唐宮清風波漾文章麗古岸花開姊妹紅  
畫鷁春秋經過熟澹雲微雨茂林中

晚泊龍灣

遠山纖月落舟泊認柴門歸鴈蘆花渚棲鴉柳樹村檢  
書鐙影靜試茗鼎香溫幾日重過處潮平沒舊痕

看山

參差樓閣碧雲端樹繞泉流百道寒盡說好山如畫裏  
眞山轉作假山觀

歸舟懷津門諸舊好

舟輕信好風迢遞逐歸鴻宦意浮雲外秋聲落葉中消  
閒觀易象懷舊寄詩筒南下倏千里回看滄海東

夜行

黃花香冷計歸程放櫂宵深逐月明十里寒溪葭莢影  
五更古岸鐸鈴聲遠山入望如披畫佳茗聯吟勝舉觥  
不覺篷窗朝旭上前途已報近江城

張秋

一櫓載秋至涼生久客中風多喧岸葦山曉豔霜楓跨  
水畱城址有廢城沿村賽社翁齊東連魯郡好語說年豐

南旺

西風黃葉落紛紛秋爭平原澹夕曛蓼花開白如水

梧桐樹老碧於雲湖深浪靜觀魚躍天遠煙空送鴈羣  
過客無心頻往復任他南北水平分

九日偶成

輕衫緩帶稱疏慵放眼雲山翠萬重風暖村禽哢謝豹  
露深隰草染游龍秋光渾似春光好睡味爭如酒味濃  
徑欲登高訪瓊室羣仙縹緲隔層峯

江安道署安園久荒已亥冬余由江甯守擢任糧  
儲重加修葺得尹文端公錢湘萼先生詩刻於  
壁間庚子督運北上歸舟餘暇乃依韻和之

清曠衙齋近水濱當年曾作代庖人  
娛情花木荒三徑轉眼光陰閱兩春  
剝蘚詩搜鐫壁舊築亭客喜看山新  
不妨退食頻來此掃地焚香淨點塵

結構當年費度量平臺重葺繞迴廊  
高宜塔影臨牆影清愛波光印月光  
好鳥鳴時如友聚奇花開處帶書香  
春來更覺饒佳興樓閣窗明盡向陽

滿園芳景豁雙扉佳氣還凝日夕輝  
晚佳亭籬畔竹添畱

客徑友翠亭池邊石整釣魚磯  
洗心石樓高天外三山落塔影

樓軒敞雲間一鶴歸一鶴軒且住肯教如傳舍  
翦茅栽柳

總天機

薄宦當年別敝廬  
霜寒露冷返潘輿  
重來江左悲遊子  
久住舟中似老漁  
作客徒延春色好  
看花肯與故園疏  
言旋細檢庭前草  
回首金萱總不如

階除雜卉植駢羅  
風入疏簾鎮日和  
陳迹漫嗟前度遠  
濃陰應識後來多  
瞻園樹色連如許  
鍾阜晴光耀自他

爲語兒孫勤誦讀

兒孫輩讀書園中

林亭世世沐恩波

簪毫十載住蓬萊  
又向名園踏綠苔  
邱壑經營隨意足  
風塵懷抱此時開  
疑披修竹文同畫  
愧說甘棠召伯栽

更擬杏花添幾本吟詩原自日邊來

自題蓬窗吟

刊庚子詩  
爲蓬窗吟

琴牀筆格伴萍遊脫帽春容自唱酬飽齋神仙三食字  
寒蟬風雨一鳴秋眼前有景供清賞酒後懷人起別愁  
得句無心偶然耳此中空洞似虛舟